

Kantonalno javno komunalno preduzeće
"GRADSKI SAOBRAĆAJ" d.o.o. Sarajevo
ul Srđana Aleksića br 1, 71000 Sarajevo

UPAVA PRERDUZEĆA

Broj: 04/38

Datum: 09-02-2024

Na osnovu člana 64. stav (1) tačka b), člana 69. stav (1) tačka a), člana 70. stav (1), (3) i (6) Zakona o javnim nabavkama BiH („Službeni glasnik BiH" broj 39/14 i 59/22), člana 21. Pravilnika o nabavci roba, usluga i radova KJKP „Gradski saobraćaj" d.o.o. Sarajevo, nakon provedenog Otvorenog postupka javne nabavke roba: „UGLJENO GRAFITNI PROIZVODI ZA TROLEJBUSE - LOT 1308", Obavještenje o javnoj nabavci broj: 257-1-1-150-3-202/23 objavljeno je na Portalu javnih nabavki dana 3.10.2023 godine i sažetak Obavještenja u „Službeni glasnik BiH" broj 69 od 6.10.2023 godna, na preporuku Komisije za javnu nabavku date u Zapisniku o pregledu i ocjeni ponuda - nakon „E"- aukcije broj: 12714/2 od 12.12.2023 godine i Preporuke o izboru najpovoljnijeg ponuđača broj: 12714 od 12.12.2023. godine, Uprava preduzeća donijela je

ODLUKU

**o izboru najpovoljnijeg ponuđača za javnu nabavku robe:
UGLJENO GRAFITNI PROIZVODI ZA TROLEJBUSE - LOT 1308 "**

Član 1.

Prihvata se Preporuka Komisije za javne nabavke broj: 12714 od 12.12.2023 godine i Okvirni sporazum na period od jedne godine za nabavku robe :“UGLJENO GRAFITNI PROIZVODI ZA TROLEJBUSE - LOT 1308", dodjeljuje se ponuđaču „DRR AUTO" d.o.o. Kiseljak, ul. Kralja Tomislava 56, 71250 Kiseljak, na osnovu ponude, koverta broj: 10982 zaprimljena na protokol preduzeća dana 24.10.2023 godine i nakon provedene „E" aukcije obavljene dana 08.12.2023 god. pod slijedećim uslovima:

- | | |
|----------------------|--|
| (1) Ponuđena cijena: | 135.430,00 KM bez PDV-a |
| odnosno | 158.453,00 KM sa PDV-om |
| (2) Rok plaćanja: | do 60 dana od dana isporuke robe i ispostavljene fakture |
| (3) Rok isporuke: | 28 dana po prijemu narudžbe |
| (4) Garantni rok: | 1 godina od dana prijema robe |
| (5) Kvalitet robe: | Prema tehničkim podacima i elementima ponude |

Član 2.

Okvirni sporazum će se dostaviti na potpis izabranom ponuđaču, „DRR AUTO" d.o.o. Kiseljak istekom roka od 15 dana od dana kada su ponuđači obavješteni o izboru najpovoljnijeg ponuđača, u skladu sa članom 98. stav (1) Zakona o javnim nabavkama BiH.

Član 3.

Zadužuje se Odjeljenje javnih nabavki da ovu Odluku dostavi ponuđačima- učesnicima u postupku nabavke u roku (3) dana, a najkasnije u roku 7 (sedam) dana od dana donošenja ove odluke, elektronskom poštom, preporučenom poštom ili neposredno.

Član 4.

Ova odluka stupa na snagu danom potpisivanja i bit će objavljena na službenoj web-stranici Ugovornog organa, www.gras.ba, u skladu sa članom 70. stav (6) Zakona o javnim nabavkama.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je u skladu sa odredbama Zakona o javnim nabavkama BiH („Službeni glasnik BiH broj 39/14 i 59/22), Odlukom o pokretanju postupka javne nabavke broj: 04/549 od 21.9.2023 godine pokrenuo je postupak javne nabavke „UGLJENO GRAFITNI PROIZVODI ZA TROLEJBUSE LOT 1308“.

Planirana vrijednost javne nabavke u Planu nabavke roba, usluga i radova KJKP „Gradski saobraćaj“ za 2023. godinu iznosi 135.764,00 KM bez PDV-a.

Javna nabavka je provedena putem Otvorenog postupka javne nabavke.

U skladu sa Članom 16. Zakona o javnim nabavkama predmetni postupak nije podjeljen na LOT-ove jer isti ne može biti predmet podjele jer se radi o nabavci jedne vrste robe koja se ne može podijeliti na osnovu objektivnih kriterija, npr. prema vrsti, karakteristikama, namjeni, mjestu ili vremenu ispunjenja.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

Obavještenje o nabavci broj: 257-1-1-150-3-202/23 objavljeno je na Portalu javnih nabavki dana 03.10.2023 godine i Sažetak obavještenja u „Službeni glasnik BiH“ broj 69 od 6.10.2023 godine.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju je preuzelo 8 potencijalnih ponuđača.

Od strane potencijalnih ponuđača nije bilo postavljanja pitanja, odnosno nije traženo pojašnjenja tenderske dokumentacije.

Komisija za javnu nabavku imenovana je Odlukom V.D. Generalnog direktora broj: 05/983 od 20.10.2023 godine.

Na protokol Ugovornog organa, u ostavljenom roku za dostavljanje ponuda, na protokol preduzeća blagovremeno su pristigle tri ponude i to ponude ponuđača:

1. „WRIGG GIL“ d.o.o. Sarajevo, ul. Trg heroja do broja 30, Sarajevo, zaprimljena pod brojem 10974 dana 24.10.2023. godine,
2. „DRR AUTO“ d.o.o. Kiseljak, ul. Kralja Tomislava 56, Kiseljak, zaprimljena pod brojem 10982 dana 24.10.2023. godine i
3. „GANGES“ d.o.o. Doboj, ul. Pridjel donji 2, Doboj, zaprimljena pod brojem 10979 dana 24.10.2023. god.

Neposredno nakon zaprimanja ponuda na protokol preduzeća pristigla je i žalba potencijalnog ponuđača „GANGES“ d.o.o. Doboj, broj protokola 10980 od 24.10.2023. godine. Žalba je putem pomoćnika izjavljena protiv Tenderske dokumentacije Ugovornog organa zbog nedovoljne tehničke deskripcije kvaliteta materijala, kratkog roka za isporuku i traženih tehničkih priloga.

Obzirom da su na protokol preduzeća, u roku ostavljenom za dostavljanje ponuda, zaprimljene ponude i dostavljena je žalba, primjenom odredbi Člana 110. Zakona o javnim nabavkama BiH, („Službeni glasnik BiH“ br. 39/14 i 59/22), kojim je propisano da izjavljena žalba odgađa nastavak postupka javne nabavke, zaključenje i/ili izvršenje ugovora o javnoj nabavci ili okvirnog sporazuma do donošenja odluke Ureda za razmatranje žalbi. Ugovorni organ je dužan obustaviti sve radnje u postupku javne nabavke, što svakako uključuje i otvaranje ponuda u periodu kada je postupak obustavljen, te Člana 63. stav (1) Zakona o javnim nabavkama BiH, („Službeni glasnik BiH“ br. 39/14 i 59/22), kojim je propisano da se ponude primljene nakon isteka roka određenog za prijem ponuda neotvorene vraćaju ponuđačima, i na osnovu tumačenja Zakona o javnim nabavkama BiH, („Službeni glasnik BiH“ br. 39/14 i 59/22) od strane Agencije za javne nabavke BiH Komisija za javnu nabavku je zaključila da zaprimljene ponude ostaju „na čekanju“ do okončanja postupka po izjavljenoj žalbi. Ponuđači su obaviješteni putem portala javnih nabavki o prijemu žalbe.

Ugovorni organ je, razmatrajući dostavljenu žalbu utvrdio da je žalba ponuđača „GANGES“ d.o.o. Doboj, zastupan po advokatu Kremenović Ostoji, izjavljena na objavlenu Tendersku dokumentaciju blagovremena, izjavljena od ovlaštenog lica i u zakonskom roku, ali da je žalba neosnovana te je ista dostavljena Uredu za razmatranje žalbi na postupanje sa Izjašnjenjem na navode žalbe i kompletnom dokumentaciju u vezi sa postupkom protiv kojeg je izjavljena žalba.

Ured za razmatranje žalbi BiH, Filijala Mostar je Zaključkom broj: JN2-03-07-1-3039-6/23 od 16.11.2023. godine, zaprimljen na protokol dana 23.11.2023. godine broj 12075, odbacio žalbu žalitelja „GANGES“ d.o.o. Doboj izjavljena na Tendersku dokumentaciju broj 257-1-1-150-3-202/23 od 03.10.2023. godine kao neurednu.

Po zaprimanju Zaključka URŽ-a, Komisija za nabavku je dana 24.11.2023. godine, putem e-maila, poslala ponuđačima koji su dostavili ponude do krajnjeg roka za prijem ponuda Obavijest o nastavku postupka za nabavku „LOT 1308 - Ugljeno grafitno proizvodi za trolejbuse“, u kojem obavještava ponuđače da će se javno otvaranje ponuda održati dana 27.11.2023. godine u 11,00 sati.

U ostavljenom roku za otvaranje ponuda Komisija za javnu nabavku je dana 27.11.2023 godine u 11,00 sati blagovremeno i pravilno izvršila javno otvaranje dostavljenih ponuda i sačinila Zapisnik sa otvaranja ponuda. Zapisnik je putem e-maila dostavljen ponuđačima koji su dostavili ponude.

Nakon javnog otvaranja Komisija za javnu nabavku je pristupila pregledu prispjelih ponuda i ocjene dostavljenih dokumenata - kvalifikacija ponuđača. Komisija za javnu nabavku je nakon pregleda ponuda sačinila Zapisnik o pregledu i ocjeni ponuda - prije, E " aukcije broj: 12428 od 05.12.2023 godine u kojem je utvrđeno sljedeće:

- 1) Na protokol Ugovornog organa blagovremeno su pristigle 3 (tri) ponude;
- 2) nije bilo neblagovremeno zaprimljenih ponuda.
- 3) 2 (dvije) ponude od 3 (tri) dostavljene ponude ponuđača ispunjavaju zahtjeve tražene tenderskom dokumentacijom i ocjenjene su prihvatljivim,
- 4) 1 (jedna) ponuda je neprihvatljiva;
- 5) Ponuda ponuđača „GANGES“, d.o.o Doboj ocjenjena je neprihvatljivom, budući da nije pripremljena u skladu sa zahtjevima iz tenderske dokumentacije.

Ponuđač „GANGES“ d.o.o Doboj nije ispunio uslove za kvalifikaciju, odnosno u svojoj ponudi nije dostavio traženu dokumentaciju, ništa izuzev Aneks 2, Obrazac za dostavljanje ponude, primjenom Člana 68. Stav (4) tačka i) Zakona o javnim nabavkama BiH, („Službeni glasnik BiH“ br39/14, 59/22), Ponuda nije potpuna i ne ispunjava zahtjeve iz tenderske dokumentacije i ponuda je ocjenjena neprihvatljivom.

U predmetnom postupku javne nabavke Ugovorni organ predvidio je provođenje „E“-aukcije u skladu sa Članom 3. Pravilnika o uslovima i načinu korištenja e-aukcije ("Službeni glasnik BiH", broj: 66/16).

Obzirom da su Ugovornom organu pristigle dvije prihvatljive ponude i to ponude ponuđača „WRIGG GIL“ d.o.o. Sarajevo, ul. Trg heroja do broja 30, Sarajevo i „DRR AUTO“ d.o.o. Kiseljak, ul. Kralja Tomislava 56, Kiseljak, dok je ponuda ponuđača „GANGES“ d.o.o. Doboj, ul. Pridjel donji 2, Doboj ocjenjena neprihvatljivom budući da nije pripremljena u skladu sa zahtjevima iz tenderske dokumentacije zakazana je E-aukcija.

„E“- aukcija zakazana i provedena dana 8.12.2023 godine. na osnovu Izvještaja o toku i završetku „E“ – aukcije utvrđeno je da u postupku „E“- aukcije od strane ponuđača nije bilo smanjivanja početnih cijena ponude.

Na osnovu Zapisnika o ocjeni ponuda - prije E-aukcije broj: 12428 od 05.12.2023 god. i Izvještaja o toku i završetku „E“- aukcije od 08.12.2023 godine, Komisija za javnu nabavku sačinila je konačan Zapisnik o ocjeni ponuda nakon „E“- aukcije broj 12714/2 i Preporuku o izboru najpovoljnijeg ponuđača broj: 12714 od 12.12.2023 god. u kojima predlaže Upravi preduzeća da se, u skladu s članom 69. stav (1) tačka a) Zakona o javnim nabavkama, u postupku javne nabavke robe: UGLJENO GRAFITNI PROIZVODI ZA TROLEJBUSE LOT 1308 ", a na osnovu kriterija za dodjelu ugovora „Najniža cijena“ zaključi Okvirni sporazum na period od jedne godine sa najpovoljnijim ponuđačem „DRR AUTO“ d.o.o. Kiseljak čija cijena ponude bez PDV-a iznosi 135.430,00 KM.

Komisija za javnu nabavku je blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnik. Komisija je u svom radu u potpunosti poštivala Zakon o javnim nabavkama BiH i podzakonske akte, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskoj dokumentaciji.

Izabrani ponuđač je ocjenjen na osnovu kriterija:

- Najniža cijena, odnosno na osnovu kriterija utvrđenih u obavještenju o nabavci i tenderskoj dokumentaciji, kako slijedi:

Naziv / Ime ponuđača		Kriterij – Najniža cijena
1.	„DRR AUTO“ d.o.o. Kiseljak, ul. Kralja Tomislava 56, Kiseljak	135.430,00 KM
2.	„WRIGG GIL“ d.o.o. Sarajevo, ul. Trg heroja do broja 30, Sarajevo	135.760,00 KM
3.	„GANGES“ d.o.o. Doboj, ul. Pridjel donji 2, Doboj	Ugovorni organ odbacio Ponudu ponuđača iz razloga što je ponuđač u ponudi dostavio samo Aneks 2 Obrazac za cijenu ponude, primjenom Člana 68. Stav (4) tačka i) Zakona o javnim nabavkama BiH, („Službeni glasnik BiH“ br39/14, 59/22), Ugovorni organ je odbacio ponudu jer nije potpuna i ne ispunjava zahtjeve iz tenderske dokumentacije.

Na prijedlog Komisije za javnu nabavku, prema utvrđenom kriteriju „Najniža cijena“ ocjenjeno je da je u otvorenom postupku javne nabavke roba: „UGLJENO GRAFITNI PROIZVODI ZA TROLEJBUSE - LOT 1308“ ponuda ponuđača „DRR AUTO“ d.o.o. Kiseljak najpovoljnija ponuda.

Iz navedenih razloga, primjenom člana 64. stav (1) tačka b) Najniža cijena Zakona o javnim nabavkama BiH, te člana 21. Pravilnika o nabavci roba, usluga i radova KJKP „Gradski saobraćaj“ d.o.o. Sarajevo, odlučeno je kao u dispozitivu odluke.

POUKA O PRAVNOM LIJEKU

U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
V.d. Generalni direktor
Mr. Senad Mujagić



Dostaviti:

1. „DRR AUTO“ d.o.o. Kiseljak, ul. Kralja Tomislava 56, 71250 Kiseljak
2. „WRIGG GIL“ d.o.o. Sarajevo, ul. Trg heroja do broja 30, 71000 Sarajevo
3. „GANGES“ d.o.o. Doboj, ul. Pridjel donji 2, 74000 Doboj
4. UPRAVA PREDUZEĆA
5. Odjeljenje javnih nabavki (u spis)
6. Odjeljenje javnih nabavki
7. Interna revizija
8. Arhiva